

2 Samueldeba aba Nehemianaa Ἰσραὴλ ἑλπεδάδα

2 SAMUEL

UMÉBEMA CARTA SAMUEL

Naḡḡarā cartade bál ɓla israelerā māwāpedadada Davi ādji boro ɓedaɓeɓa aba Nehemiaba Jerusaleḡ auɗu jūrā ca ɓadara wayacusa obḡḡadaa. Davira dji boroda ɓesia 1010 poa Jesucrito toi naēna. Nehemiaba dji jūrā ca ɓadara waya osia 445 poa Jesucrito toi naēna. Dadji ēberā bedede naḡda bál eropanḡa:

Umébema carta Samuelde bál ɓla Davi Israeldebema boroda ɓedada, Davideba yōɓdarā ewariza israelerā bororāda ɓeadi Ācōrēba jaradada, Daviba Betsabé ume cadjirua odada, idjaba Davi warra Salomoḡ toɗada.

Nabema carta Cronicaɗe bál ɓla Ācōrēba Davia cawabidada sāma idji de dromara oida ɓada idjaba Davi jaidadada. Umébema carta Cronicaɗe bál ɓla Salomoḡ Israeldebema boroda ɓepeda Ācōrē de droma odada.

Nabema carta Reyede bál ɓla Salomoḡ ne bara ɓedada, idji necawaadeɓemada, idjaba wērā awua ɓaɗeɓa Ācōrē igaradada. Maḡ awara bál ɓla israelerā druɓa aba ɓadada umé ɓedada: Juda druada idjaba Israel druada. Maḡare bál ɓla Israel druadeɓema boro Jeroboaḡba israelerā jḡwaba oɗa ācōrē ēpēbidada. Maḡ awara bál ɓla Ācōrēneɓa bedebari Elíaba oɗadeɓemada.

Umébema carta Reyede bál ɓla Elía bajānaa wānada, idji cacuabari Eliseo Ācōrēneɓa bedebarida ɓedada, idjaba israelerāba dewara ācōrē ɓea ēpē panɓa carea Ācōrēba dji quīrūrāa ādjirā jida edebidada.

Esdra cartade bál ɓla Persia druadeɓema boro Ciroba idu israelerāa ādji druadaa jēda wabidada idjaba Ācōrē de droma waya opeɗadada. Nehemia cartade bál ɓla Nehemiaba Jerusaleḡ auɗu jūrā ca ɓadara waya obidada.

Davi israelerā boroda ɓeda

5 ¹Saul jaidadacarea Israeldeba doce puru yōpeɗadada Hebroḡ puruɗaa Davimaa wānapeda nāwā jarasidaa:

–Dadjirāra abari ēberārāa. ²Saulora dadjirā boro baðamīna djōne wābadaza baabara dadji israelerāra edepeda bia enebadjia. Mañ awara Ācōrēba jarasia badra idji puru Israel boroda beida. Baabara oveja waga ba quīrāca idji ēberārāra pe erobayada asia.–

³Mañne Hebroñne Ācōrē quīrāpita Israeldebema dji dromarāda Davi ume bedea badapeda nedragada idji borode weasidaa israelerā boroda badi carea.

⁴Davi israelerā boroda basidade treinta poa basia. Mañbe cuarenta poa ādjirā boroda besia. ⁵Naārā Hebroñne idjira siete poa auðu ēsidra Judadeba yōpedadarā boro basia.^a Māwānacarea 33 poa Jerusaleñne jūma israelerā boroda basia.

Daviba Jerusaleñ puru poyada

⁶Israelerā boro Davira idji sordaorā ume Jerusaleñnaa djōne wāsidaa. Mañ ewaride jebuseorāda jāma panabadjidaa. Ādjirāba crichasidaa Davira poya ādji purude eða zeēda. Mañ carea idjia jarasidaa:

–Bāra nama eða poya zeēa. Dauberrea beaba, jirū bié bea bida nañ puruda poya wagadia bārā eða zerānamārēa.–

⁷Baribara Daviba Jerusaleñra poyapeda mañ purude sordaorā panabada Sioñ abada sida poyasia. Idira Sioñra Davi puru abadaa.

⁸Israelerāba jebuseorā poyadi naēna Daviba jarasia:

–Jebuseorāda poya quīrā baabara, Sioñ purude eða baido weamārēa opedada uriadeba wāida ba.^b Māwābāra jāñ dauberrea beamanada, jirū bié beamana sida beadia. Ādjirāra māa quīrāma ba.–

Daviba māwā jarada bēra idira abalba djārada quīrāma baabara nāwā jarabaria: “Dauberrea beada, jirū bié bea sida dadji boro de dromane eða wānacara panā.”^c

⁹Mañbe Davira Sioñne besia. Sioñra trā basidaa Davi puru. Dji puru mōgaraba auðu jirā ca bāra Daviba waiabara osia idjaba Milo abadadeba eða dji joga beara egoroba daucha pārī wāsia.^d ¹⁰Ācōrē ne jūma poya bāda idji ume ba bēra Davira ewariza dji dromaara besia.

¹¹Mañ ewaride Tiro druadebema boro Hirañ abadaba ācara Davimaa diabuesia idji ume dji bia bai carea. Mañ awara bacuru de obadarāda, mōgara de obadarāda, dji biara ba bacuru sida diabuesia. Ādjirāba Davi itea de dromada osidaa. ¹²Mañneba Daviba cawasia Ācōrēba idjira wārāda israelerā boroda basida. Mañ awara cawasia Ācōrēba idji puru Israelda quīrā ba bēra idjira careba bāda israelerā bia pe erobamārēa.

a 5:5. Judadeba yōpedadarāba naārā Davira ādjirā boroda basidaa. 2 Samuel 2:1-11.

b 5:8. *Sioñ purude eða baido eða weamārēa opedada uriadeba.* Mañra hebreo bededeade ebuda baēa. *Ādjirāra māa quīrāma ba.* Ācarāmaarā mañgaba jara ba: “Ādjirāba māra quīrāma panā.” **c 5:8.** *De droma.* Mañba jara ba Ācōrē de dromada wa israelerā boro de dromada. **d 5:9.** Hebreo bededeade ebuda baēa cārēda o panasidada.

Davi warrarā Jerusaleāne topedada

¹³Hebroñneba wānacarea Jerusaleāne Daviba quimada zocārā edasia. Dewara wērārā sida zocārā erobasia. Ādjirāba warrarāda, caurā sida Davia to diasidaa. ¹⁴Daviba nañ warrarāda Jerusaleāne unusia: Samúa, Sobab, Natañ, Salomoñ, ¹⁵Ibhar, Elisua, Nepeg, Japia, ¹⁶Elisamá, Eliadá, idjaba Elipelet.

Daviba Ācōrē de droma oi crīcha bađa

7 ¹Ācōrēba israelerā boro Davira dji quīrū ume necai ħasia. Mañ awara Davira idji de dromane ħesia. ²Ewari aba Daviba Ācōrēneba bedeabari Natañ nāwā jarasia:

–Acadua. Mñ de dromara dji biara ħa bacuru odaa baribarł Ācōrē baurudera wua dede ħa. ^e Mañ carea mñ Ācōrē itea de dromada o quīrī ħa.–

³Natañba panusia:

–Ācōrēba ħa ume ħa bēra ħa crīcha ħara jūma odua.–

⁴Baribarł mañ diamasi Ācōrēba Natañ nāwā jarasia:

⁵–Mñ nezoca Davia nāwā jarade wādua: “Ācōrēba nāwā jara ħa: ħa mñ itea de dromada oiē ħa. ⁶Mñ bārā israelerā Egiptodeba ēdrl enena ewarideba mñra de arade ħacaa. Ātebarł bārā wābada mñ wua deda ededapeda mañne eda ħabaria. ⁷Mñ bārā drōā naēnabemarā ume nībaside mñ puru Israel pe eronībapedadarā jaraca basía mñ itea dji biara ħa bacuru deda odamārēā.”

⁸Mañ carea Natañ, mñ nezoca Davia nāwā jaradua: “Ācōrē jūma poya ħaba nāwā jara ħa: mñ ħara oveja wagabari bađada edasia mñ puru Israel boroda ħamārēā. ⁹Ĥa wābarłza mñra ħa ume ħasia. Mñ ħa dji quīrūda poyabisia, idjaba mñ ħara trł ħaga ħasia nañ ējūāne dewara trł ħaga ħea quīrāca. ¹⁰⁻¹¹Mañ awara mñ ējūāda mñ puru Israel itea edasia ewariza mama ħeadamārēā. Ni aba ħa ādjirāra mama ħa āyā ħađāēā. ^f Ēberā cadjiruarāba ādjirāra waa biē odaēā mñ ādji ēdrl ħabadarā diabuesi ewaride biē o panana quīrāca. Idira mñ ħara dji quīrū ume necai ħaya.

Mañ awara mñ jaraya idiba ātaa ħađeba yōbada israelerā boroda ħaya. ¹²Mañ bēra ħa jaidadacarea mñ ħa warrada aba ħaya dji boroda ħamārēā. Mñ idjira carebaya mñ purura bia pe erobamārēā. ¹³Idjiabarł mñ itea de dromada oya. Idjideba mñ israelerā boroda jūma yōbigaya. ¹⁴Mñra idji zeza baya mañne idjira mñ warra baya. Idjia cadjiruada osira mñ uya dji zezaba idji warra soaba ubari quīrāca. ¹⁵Baribarł mñ idjira quīrī ħaya. Idjira igaraēā Saul igarada quīrāca. Mñ Saulora igarasia bađa dji boroda ħa carea. ¹⁶Mñ ħađeba yōbada idu jōbiēā. Idiba ātaa mñ ādjirāra israelerā boroda ħaya.”–

e 7:2. Dji biara ħa bacuru. Hebreo bedeade ħá ħa “cedro” baribarł ogoēā.

f 7:10-11. Mama ħa āyā ħađāēā. Hebreo bedeade ħá ħa: “Mama waa ure duananaēā.”

¹⁷ Ācōrēba cawabidara Nataāba Davia jūma nēbarasia.

¹⁸ Maābe Daviba Ācōrē quīrāpita nāwā jarasia:

–Mā Boro Ācōrē, māra dji dromaēa. Mā ēberārā sida dji dromarāēa. ĶCārē cārēā māra israelerā boroda ħasi? ¹⁹ Maā awara bla jara ħa mā, bla nezocadeba yōbdara ewariza israelerā boroda beadida. ĶCaiba bla quīrāca bia obari?²⁰ Mā Boro Ācōrē, bla mā crīchara cawa ħa. Maā bēra za quiru nezocaba Ķcārēda poya jarai? ²¹ Bla maā biara oyada ada bēra idjaba o quīrāna bēra wārāda jūma opeđa za quirúa cawabisia. ²² Mā Boro Ācōrē, bara dji dromaara ħa. Bla quīrāca dewara neēa. Dairāba ūrībadjidāa wārā ācōrēda bla awara neēda. ²³ Maā awara bla puru Israel quīrāca naā ējūāne dewara puruda neēa. Ācōrē, bla dairāra Egiptodebemada ēdra edasia bla puruda ħamārēa. Māwā bara trā ħagasia. Ne ununaca waiħa ħea o ħadeba bla dewara ēberārāda, ādji ācōrē ħea sida dairā quīrāpita āyā jarecuasia. ²⁴ Bla dai israelerā ħasia ewariza bla puruda ħamārēa. Maāne bara dai Ācōrēda ħesia.

²⁵ Ācōrē, bla za quiru nezoca itea idjaba mā warrarā itea idiba ātaa oi jaradara wārāda odua. ²⁶ Māwā ewariza bara dji dromaana adia. Maā awara nāwā jaradia: “Ācōrē jūma poya ħara dai israelerā Ācōrēa.” Maāne bla māra, mā warrarā sida waga erobadua ewariza israelerā boroda ħeādamārēa. ²⁷ Ācōrē ne jūma poya ħa, dai israelerā Ācōrē, bla bla cawabisia māra, mā warrarā sida ewariza israelerā boroda beadida. Maā carea māra bla nezocamīna ne wayaa neē nāwā bedeā ħa.

²⁸ Mā Boro Ācōrē, bara wārāda Ācōrēa. Bara bedeā aba ħa. Bla za quiru nezocaa maā ne biara oi jarasia. ²⁹ Maā carea māra, mā warrarā sida careba ħadua ewariza bla quīrāpita bia panani carea. Bla jarada quīrāca oya. Bla carebayada ada bēra wārāda ewariza bia panania.–

Davi daunemana

11 ¹ Poade naā ējūānebema bororāba ādji sordaorāda djōne edebadjidāa. Maāne Daviba jūma idji sordaorāda, ādji boro Joāda, idjiare ħea sida amonitarā ume djōne diabuesia. Amonitarāda zocārā quenanapeđa ādji puru Rabāda jūrā edasidāa. Māwā djō panāmisa Davira Jerusaleāne basia.

²⁻⁴ Ewari aba quewara Davira cāi edapeda piradrasia. Maābe idji de ārā wāsia. Mamaāba edaa acābāde wērā biya quiruda unusia. Maā wērāra idji jedeco ununa carea cui ħasia Ācōrē quīrāpita bia ħai carea.^h Daviba ācāra diabuesia idjira caida cawai carea. Jēda zedapeda Davia jarasidāa Eliaā cau Betsabēda māwā ħada. Idji quimara Uría abadjidāa. Maā Urīara hititarānebema basia. Maābe Daviba ācāra diabuesia Betsabēra idjimaa enenamārēa. Betsabēra idjimaa zepeda ābaa cāisidāa. Māwānacarea diguidāa wāsia.

g 7:19. ĶCaiba bla quīrāca bia obari? Hebreo bedeade māra ebuda ħāēa.

h 11:2-4. Levítico 15:19-24.

⁵Betsabéra biogoa beda bērá Davia cawabisia. ⁶Mañ carea Daviba idji sordaorā boro Joámaa bedeadā diabuesia hititadebema Uría abadara idjima zebimārēā. Ara mañda Joába Uríara diabuesia. ⁷Uría jūēsīde Daviba idjía iwīdisia Joára, idji sordaorā sida sāvā panᵛ cawaya. Idjaba iwīdisia ādjirā djō panᵛne sāvā wānada. ⁸Māwā nēbarᵛdapeᵛa Daviba Uríaa jarasia diguidaa ānāūne wāmārēā.ⁱ Uría Davi dedeba wānacarea Daviba djico dji biara ᵛada Uríamaa diabuesia comārēā. ⁹Baribᵛᵛ Uríara idji diguidaa wāé basía. Ātebᵛᵛ Davi wagabada sordaorā cāᵛbadama Davi dede eᵛa wābada caita cāisia.

¹⁰Daviba ūrísia Uríara diguidaa wāé basida. Mañ carea trᵛpeᵛa nāwā iwīdisia: –Ba tᵛᵛᵛa zedada ᵛsāvāērā diguidaa wāé basi?–

¹¹Mañne Uríaba panusia:

–Ācōrē baurudera, Judadebema sordaorāra, waabema israelerā sordaorā sida ādji wua de zaquede cāi panᵛa. Mā boro Joára, idjiare ᵛea sida puru tᵛᵛᵛ cāi panᵛa. Mañ bērá bié ᵛa māra diguidaa wāpeᵛa ne coida idjaba mā quima ume cāida. Mā boro, wārāneba māa jaraya: māwā oéa.–

¹²Mañne Daviba idjía jarasia:

–Idi bida nama ᵛedua. Nubᵛᵛ jēda djōne wābiya.–

Daviba māwā jarada bērá Uríara Jerusaleᵛne ᵛesia. ¹³Mañne Daviba idjira ne code trᵛᵛisia. Ne co panᵛne Daviba itua dawapeᵛa Uríara beu nūmesia. Queuᵛᵛacarea Uríara ᵛajadaa Davi wagabada sordaorāmaa cāine wāsia. Diguidaa wāé basía.

¹⁴Uríara idji quima ume cāinaé bērá nurēma Daviba cartada Joá itea ᵛasia. Mañ cartara Uría ume diabuesia. ¹⁵Dji cartade nāwā ᵛá ᵛasia: “Dadjirā dji quirū mēsrāara ᵛea djō panᵛma Uríara djōbidua. Maᵛbe iduba ametaᵛᵛdua beaᵛamārēā.”

¹⁶Joába idji sordaorā ume amonitarā purura jūrā eropanasidaa uracᵛᵛi carea. Mañ bērá idjia cawa ᵛasia sāma amonitarā dji mēsrāara ᵛeara djō panᵛda. Uríara mama djōᵛisia. ¹⁷Māwā ᵛade amonitarāra Joá sordaorā ume djōni carea ādji puruᵛeba ᵛajadaa zedapeᵛa Davi sordaorāda ācᵛᵛa beasidaa. Hititadebema Uría abada sida beasidaa.

¹⁸Maᵛbe Joába ādji djō panᵛnebemada aba Davia jūma jarade diabuesia. ¹⁹Wāi naēna nāwā jarasia:

–Dadjī djō panᵛnebemara dadjirā boro Davia jūma nēbarᵛᵛdua.

²⁰Dadjidebemada ācᵛᵛᵛ beasidaa ūrīᵛᵛᵛᵛᵛᵛ idjira quīrūpeᵛa āīᵛᵛᵛ nāwā jaraisicaᵛa: “Bārā djō panᵛne ᵛcārē cārēā dji puru auᵛᵛ jūrā ca ᵛa caita wāsida? ᵛMamaᵛa ādjirāba ne bariduaba tabaribadada adua panasidaca?

²¹ᵛQuīrādoasidaca sāvā wērāba Jerobaal warra Abimelera Tebé puruᵛe beasida? Dji puru auᵛᵛ jūrā ca ᵛᵛᵛᵛba yu waiᵛᵛᵛᵛ Abimele āᵛᵛ ᵛaebisia.^j Mañda bārāra

i 11:8. *Ānāūne wāmārēā*. Hebreo bedeadē ᵛá ᵛa: “Jīrū sᵛᵛᵛᵛᵛ wāmārēā.” j 11:21. Juece 9:50-54.

¿cārē cārēã dji puru auðu jūrã ca ßa caita wāsida?” Dadji boro Davida mǎwǎ quĩrũibara nǎwǎ jaradua: “Mǎ boro, ßa sordao hititadebema Uría sida beasidaa.”—

²²Ara mañda Joába diabuedaba jarade wásia. Davima jũēpeda Joába jarabidada jũma nēbɾasía.^k ²³Nǎwǎ jarasia:

—Amonitarǎa ãdji purudeba dajadaa djõne zedapeda दौरा poyabɾda basía. Baribara daiba ãdjirǎa jēda ãdji purude eda wābadamaa mĩrũ wābisidaa.

²⁴Mañne cha drɾbadaba dji puru auðu jūrã ca ßadeba daimaa drɾ panesidaa. Mañba ßa sordaorǎa ɱcɾɾa beasidaa. Hititadebema Uría abada sida beasidaa.—

²⁵Mañ ũrĩpeda Daviba dji jarade zedaa nǎwǎ jarasia:

—Joába jaradua jũmawǎyǎ crĩcharāmārēã. Djõ panɱne ɱcɾɾa beubadaa. Baribara jaradua jǎɱ puru ume wetara djõnamārēã aba poyabɾdadaa. Mañ bedeaba idjira sobiaya.—

²⁶Uría beapedada cawaside dji quimaba sopua ewarida wagasia.

²⁷Idji sopua ewari jōnacarea Daviba idji dedaa enebipeda edasia. Mañbe wērǎba Davi warrada tosia. Baribara Daviba oðara Ǻcōrēba bié unusia.

Natañba Davi quēãna

12 ¹Mǎwānacarea Ǻcōrēba Natañda Davimaa wābisía. Jũēpeda Davia nǎwǎ nēbɾasía:

—Puru abade ēberǎda umé panasidaa. ²Aba ne bara basía. Idjia ovejada, paca sida zocǎrǎ erobasia. Dewarabemara ne neé querasía. ³Idjia nēdoda oveja wērǎ zaqueda ababe erobasia. Mañ oveja zaquera daupēsía. Ovejara dji ēberǎ ume idjaba idji warrarǎ ume ābaa warisia. Dji ēberǎba coi carea erobadebemada ovejaa cobibadjia. Idji tazade baidoda dobibadjia. Idjaba ovejara idji caita cāibadjia. ¡Mañ ēberǎba dji oveja zaquera idji cau quĩrǎca bio quĩrĩã basía!

⁴Ewari aba ēberǎda dji ne bara ßamaa zesía. Ne bara ßaba mañ ēberǎa ne cobida crĩchasía baribara idji animarānebemada bea quĩrĩãé basía. Ǻtebɾa ne neé quiru oveja zaqueda jārĩpeda beasia. Mañbe djusia idjimaa zedaba comārēã.—

⁵Mañ ũrĩbɾɾade ēberǎba oveja zaque jārĩna carea Davira bio quĩrũpeda Natañ nǎwǎ jarasia:

—¡Ǻcōrē quĩrǎpita wārǎneba mǎa jaraya: mǎwǎ oda ēberǎra beuida ßaa!

⁶Ne neé quirura quĩrǎ djuburiadaé bērǎ dji oveja zaque nēbɾara ßarima quĩmārē jēda diaida ßa.—

⁷Mañne Natañba Davia jarasia:

—¡Bɾdra jǎɱ ēberǎa! Mañ carea dadji israelerǎ Ǻcōrēba nǎwǎ jara ßaa: “Mǎa bara basía israelerǎ boroda ßamārēã. Idjaba Saulba bea quĩrĩã ßadadebemada ēdra

k 11:22. Griego bedeade idjaba nǎwǎ ßa ßa: “Mañne Davira Joá ume quĩrũpeda dji jarade wānaa nǎwǎ jarasia: Bǎrǎ djōsidade ¿cārē cārēã dji puru jūrã ca ßa caita wāsida? ¿Mamañba ãdjirǎba ne bariduaba tabaribadada adua panasidaca? ¿Quĩrǎdoasidaca sǎwǎ wērǎba Jerobaal warra Abimelera Tebé purude beasida? Dji puru auðu jūrã ca ßadeba yu waibada Abimele ɱrǎ ßaebisia. Mañda bǎrǎra ¿cārē cārēã dji puru auðu jūrã ca ßa caita wāsida?”

Ḥasia. ⁸Mañ awara mña Saul israelerā boro badada jārīpeda bía diasia. Idji wērārā sida diasia. Mña bara Judadebemarā, waabema israelerā boroda Ḥasia. Mña bía diadada carebaedabara auduara diacasia. ⁹⁻¹⁰Bla ḡcārē cārēñ mñ bedeara igarasi? ḡCārē cārēñ osi mña cadjirua unu Ḥada? Bara mña beasia. Bla hititadebema Uría abadada amonitarā beabisia. Mañbe idji quimara edasia. Bla mñra mñwā igarada bēra idiba ātaa bārā djōbdade ba warrarāra ādjideba yōbdarā sida ācala beudia.

¹¹Mña nāwā jaraya: ba ēberārānebema aḇalba bara bié oya. Ba quīrāpita mña ba wērārāda jārīpeda aḇala diaya. Mañ ēberāra israelerā quīrāpita ba wērārā ume cāiya. ¹²Bla cadjirua odara mērā osia baribara mañ ēberā ba wērārā ume cāibaraḡde mña jūma israelerā unubiya.”–

¹³Daviba Nataña jarasia:

–Wārāda mña Ācōrē quīrāpita cadjiruada osia.–

Natañba panusia:

–Baa cadjirua odara Ācōrēba quīrādoaya. Mañ bēra bara beuēa. ¹⁴Baribara bla Ācōrē quīrāpita bio cadjirua oda bēra ba warra zaqueda jaidaya.–¹

¹⁵Natañ diguidaa wānacarea Uría quimaba Davia to diada warrara Ācōrēba bio cacua bié Ḥasia. ¹⁶Mañne Daviba idji warra carea Ācōrēba bede djuburiasia. Ne coé Ḥasia idjaba egode cāibadjia. ¹⁷Dji dromarā idji dede panabadaba jarabadjidaa piradramārēa. Māwāmīna ijāca basia. Idjaba ādjirā ume ne co quīriāca basia.

¹⁸Māwā Ḥade siete ewaride dji warrara jaidasia. Mañne dji dromarāba Davia jaraḡida waya panasidaa. Nāwā crīcha panasidaa:

–Idji warra waḡi zocai Ḥaside sobiamārēa idji ume bedeabadjidamīna dadji bedeara ijāca basia. Mañda ḡsāwābala idjia jaraḡi dji warrara jaidasida? Sopuaba ara iduba bié oisicada.–

¹⁹Daviba unusia dji dromarāra ādjiduba bede panada. Mañḡḡdeba cawasia idji warrara jaidasida. Mañ bēra iwidisia:

–ḡMā warrara jaidasica?–

Ādjia panusidaa:

–Māē, jaidasia.–

²⁰Ara mañda Davira egodeba piradrapeda cuide wāsia. Cuipeda querada pāpeda djiopeda Ācōrē dede eda wāsia bia bedelai carea. Māwānacarea diguidaa wāpeda jarasia idjira ne cobidamārēa. Mañbe ne cosia. ²¹Ne co Ḥade dji dromarāba iwidisidaa:

–Dai boro, ḡcārēñ jāwā o Ḥa? Ba warra waḡi zocai Ḥaside bara ne coca basia idjaba idji carea jīa Ḥabadjia. Baribara ba warra jaidadacarea jbara piradrapeda ne co Ḥa!–

²²Daviba panusia:

–Mā warra zocai Ḥaside mñra ne coé jīa Ḥasia. Mña crīcha Ḥasia āībērā Ācōrēba mñra quīrā djuburiapeda mñ warrara zocai Ḥaisicada. ²³Baribara

1 12:14. Bla Ācōrē quīrāpita bio cadjirua oda bēra. Hebreo bede ācala cartade nāwā Ḥa Ḥa: “Bla Ācōrē dji quīrūa idjidebemada bié bedeabida bēra.”

jaidada bēra māa idjira poya waya zocai ɓléa. Maŋda ɓcārē cārēã ne coé ɓai? Māa idjira unune wāya baribara idjira māmaa waa zeéa.—

Salomoŋ toda

²⁴Idji warra jaidada carea Daviba idji quima Betsabéra sobiabipeda idji ume cāisia. Betsabéra biogoa ɓepeda warrada tosia. Maŋ warrara Daviba trā ɓasia Salomoŋ.^m Ācōrēba maŋ warrara bio quīriāsia. ²⁵Bio quīriāna bēra idjideba bedebari Nataŋra Davimaa diabuesia. Idjia jarabisia maŋ warrara Jedidía trā ɓamārēã.ⁿ

Daviba Rabá puru poyada

²⁶Maŋmisa Joára idji sordaorā bara amonitarā ume Rabá purude djō panasídaa. Maŋne purura poyabada basía. ²⁷Maŋ bēra idjia ɓcara Davimaa nāwā jaraɗe diabuesia: “Māra Rabá puru ume djōpeda ādji baido juebadara mŋ jawaedā eroɓa. ²⁸Waabema sordaorāda isabe enepeda purura jūrā edadadua. Māwā ɓabarā purura poyaya. Bada zeébara, māa poyapeda purura mŋ trāda ɓadia.”

²⁹Ara maŋda Daviba idji sordaorāda jūma jaresia. Maŋbe Rabá purudaa djōne edepeda poyasia. ³⁰Daviba Rabá purudebema boro nepe oro odada edasia. Dji ɓaglara 75 libra ɓasia.^o Mōgara nēɓa biya queɗeada maŋ nepeɗaa cara ɓasia. Maŋra Davi boro ɓrā jira ɓasídaa. Maŋ awara Daviba Rabá purudebema ne bia queɗeada zocārā edasia. ³¹Rabáɗebemarāra Daviba jidapeda ōgo trajabisia. ɓcara bacuruda ɓrabisia, ɓcara egoroɗe corobisia, ɓcara zagaraba bacuruda tutabisia, idjaba ɓcara de obada mōgarada obisia.^p Amonitarā puruza Daviba māwā obisia. Māwānacarea Davira jūma idji sordaorā ume jēda Jerusaleŋnaa wāsídaa.

m 12:24. Hebreo bedeaɗe ebuda ɓléa caiba dji warrara trā ɓasida. ɓcaramaarā Betsabéba trā ɓasia. **n 12:25.** Hebreo bedeaɗe Jedidía trāba jara ɓa: “Ācōrēba quīriā ɓa.”

o 12:30. 75 libra. Hebreo bedeaɗe ɓá ɓa “talento aba.” Rabá purudebema boro. Hebreo bedeaɗe ɓá ɓa “Milcoŋ.” ɓcaramaarā Milcoŋra ādji jawaba oda ācōrē basía. **p 12:31.** De obada mōgarada obisia. Hebreo bedeaɗe ebuda ɓléa cārēda obisida.